



UNIVERSITÄTS-
BIBLIOTHEK
PADERBORN

Universitätsbibliothek Paderborn

Chronologia Monasteriorum Germaniæ Præcipuorum Ac Maxime Illustrium

Brusch, Kaspar

Nürnberg, 1682

Alba Augia Brigantina, sive Monasterium Brigantinum; quod vulgo
Majorem Augiam, Germanicè die Mererow appellant, ...

urn:nbn:de:hbz:466:1-38166

Atq; Lycum. Tunc Augustanæ in mœnibus Urbis
 Imperii Cæsar dum Sacra negotia tractat:
 Præpositum legere inter se, qui prius isti
 Excessere loco, Rulandum. Hunc Carolus omni
 Tantopere adjuvit virtute & dexteritate,
 Tamq; diu, donec Ulricus singula Princeps
 Redderet hæc, alienarat quæ aliquando, & in usus
 Transtulerat proprios seclares atq; profanos:
 Sic demum Rulandus amans Pietatis & Artis
 Canonicorum iterum cœtum collegit honestum:
 Instauransq; Lares in multis partibus istos,
 Hanc fundamentis exinis condidit ædem
 Quam coram cernis. Tu quisquis es (oro) Viator
 Lieta precare viro humano, patriq; verendo.

*Alba Au-
 gia Bri-
 gantina.*

ALBA AUGIA BRIGANTINA, sive Monaste-
 rium Brigantinum; quod vulgo Majorem Augiam, Ger-
 manicè die *Mererow* appellant, ac vetustius aliqui esse censent,
 quam est Abbatia Sangallensis: eo quod S. Galli adhuc non pro-
 cul inde monstratur Oratorium, Sacellum videlicet omnino
 humile & exiguum, in montanis supra Bregantum situm, & ante
 pauculos annos à Brigantini oppidi cive quodam, & Imperato-
 rio Capitaneo Joanne Schnabelio renovatum: ubi visuntur no-
 stra adhuc ætate cavernæ scopulis incisæ, in quibus cubasse Ve-
 nerandus senex dicitur, quas ipse & vidi & contrectavi. Id in-
 quam Brigantinum Monasterium, ad Bregantii amnis in Lacum
 Acronium incursum amœnissimo loco situm, olim & Mona-
 chorum & Monialium Cœnobium, nunc verò abolitis Monia-
 libus Monachorum saltem D. Benedicti institutum profiten-
 tium Abbatia insignis & opulenta, fundata (ut nunc est) legitur
 anno Christi 1098. ab Udalrico Rhetorum & Bregantiæ nobilis-
 simo Comite, avo videlicet nobilissimi Comitis Rudolphi à
 Pfullendorff. Dedicatum est templum, egregie absolutum, ab
 Ulrico Constantiensis Episcopo, Comite à Dillingen. Tunc
 temporis Rudolphus ille à Pfullendorff ita liberaliter dotavit
 Augiam

*Udalri-
 cus Comes
 fundator.*

Augiam Brigantinam anno Christi 1102. ut à Coenobitis hodie adhuc secundus ejus fundator prædicetur: is Comitatum Bregantinum à matre sua Domina Elifabetha hæreditario jure acquisivit, & advocatiam Curienfis Rhetia feudo etiam obtinuit ita, ut omnium circumjacentis terræ Regulorum longe esset opulentissimus. Fundatoris Udalrici conjunx Bertha, filia fuit Rudolphi Rheinfeldia Comitis ac Suevorum Ducis, Romano-Regis, ejus videlicet, qui in Saxonia bellum contra Imp. Henricum quartum gerens, occubuit Morfenburgi in Thuringia. Hæc liberalissima hujus Coenobii fuit benefactrix; ac in eo cubare creditur. Sunt enim ibi in ipsa Beatorum Petri ac Pauli Basilica Augiensi, duo maxima ac augustissima sepulchra, sed qui aut quales ibi cubent, ne ipsi quidem ejus loci Coenobitæ norunt. Sunt enim tumuli sine inscriptionibus, sed tamen amplissimi, & ex solido marmore facti, nullis etiam Spirensis templi Imperatoriis monumentis cessuri. Benefecerunt huic Coenobio Comites Montis Fortis, Domini Bregantia: quorum ibi in D. Virginis Sacello magnificum etiam mausolæum conspicitur, cum gentis insignibus appictis & insculptis. Rudolphus Udalrici fundatoris filius à Beato Presbytero Marbodone admonitus, dedit Monasterio Alberschwendam Parochiam nemoris Bregantini præpotentem cum omnibus ad eam pertinentibus juribus, prædiis ac bonis. Abbates ejus loci fuere hi, quos ex martyrologio loci excerpti ipse, sine annorum gubernationis certo numero.

Bertha, Udalrici conjunx.

Alberschwendam

Abbatum catalogus.

- | | |
|-----------------|------------------|
| 1. Mengosus. | 11. Antonius. |
| 2. Gernodus. | 12. Burcardus. |
| 3. Schwiggerus. | 13. Bertholdus. |
| 4. Meinhardus. | 14. Ulricus. |
| 5. Diethmarus. | 15. Conradus. |
| 6. Arnoldus. | 16. Albertus. |
| 7. Marquardus. | 17. Henricus. |
| 8. Hermannus. | 18. Udalricus. |
| 9. Gebhardus. | 19. Theodericus. |
| 10. Dietericus. | 20. Rodolphus. |
- B 2 21. An-

Bregantia

Chronologia
Monasterii
in Gemma
S. III

21. *Andreas* interfuit Concilio Constantienſi.
22. *Jodocus Cellarius*, qui præfuit anno 1422. Et eſt teſtis fundatæ Cervorum Vallis vicini Monasterioli. Deceſſit ex hac vita anno 1437.
23. *Henricus Hentzius* præfuit 25. annis, & deceſſit anno Domini 1462.
24. *Albertus* obiit anno 1470. cum præfuiſſet annis 8.
25. *Joannes Gruel* obiit anno 1472.
26. *Joannes Eltzius* præfuit triginta annis, & cum propter ingravescens ſenium inutilis eſſet gubernator, amotus eſt anno 1502.
27. *Georgius Magirus* Constantienſis præfuit annis octo. Obit anno 1510.
28. *Gaſpar Haberſtrobe* Bregantinus præfuit annis undecim. Valedixit huic vitæ mortali anno redempti orbis 1521.
29. *Joannes Schobloch* Brigantinus, præfuit annis 12. & obiit anno 1533. Incepit egregie reædificare penè collapſum Monasterium: ſed præventus morte, nihil eorum, quæ inchoarât, abſolvit.
30. *Ulricus Moetz* Dorenburanus ex pago prope Amyſum ſito, eligitur anno Chriſti 1533. Egregie abſolvit ea quæ inchoarat anteaſſor. Præeſt corrente adhuc anno hoc 1550. optimus Oeconomus.

In hujus Monasterii vicinia ipſo videlicet ſuburbio Brigantino eſt Dalbacenſe Cœnobiolum ad Talium rivum ſitum, in quo Moniales tertiæ Regulæ Franciſci habitant. Supra Bregantum ad ipſum memoris Brigantini initium ſita eſt Cervorum Vallis, Cœnobiolum Monialium, Ordinis D. Dominici, ad aquas Bregantinas & Kendelbachium pagum. Id fundatum legitur S. Joanni Baptiſtæ ac laudabili S. Urfulæ ſocietati, & inchoatum in ipſo monte Cervorum anno Domini 1422. ab Hugone ac Stephano Comitibus de Monte Forti, Dominis Bregantii & Pfannenbergi, pro 23. piis fororculis Deo ibi ſervituris, quarum collectrix fuerat Elifabetha Simlerin Pfullendorffana, prima ejus loci Prioriſſa. Tactum eſt aliquoties fulmine, ac funditus deletum,

Talbachium.
Cervorum
Vallis.

tum, cumq; peregrinator quidam fatidicus respondisset Deo placere, ut ex monte in adjacentem vallem transferretur: annuit & consensit Sigismundus Austriae Dux munificus ejusdem instaurator ac benefactor. Translatum igitur est anno Domini 1264. & primus lapis inferioris Cœnobioli positus à Suffraganeo Constantiensi, Domino Ulrico Comite de Monte Forti, & à Domina Barbara Comitissa Amasiana, Jacobi Trappii Brigantini Præfecti conjuge. Præest ei nunc Apollonia Episcopa Kendelbaccensis ab anno Christi 1532.

ALBA AUGIA Nariscorum aut potius Norici, nostrate lingua *Weissenaw im Nordgew* / Cœnobium ordinis D. Benedicti ad Schwabachium amnem, quatuor lapidibus à Noriberga, in Diœcesi Bambergensi situm; fundatum legitur à Gebhardo Comite, ut aliquibus placet, de Hirsberg, aliis vero de Calovia vel Kalaw: hodie Kalb vocant, qui Aystetenfis Ecclesiæ Episcopus, tandem post consanguineum suum Leonem nonum, Comitem à Dagsperg Alfatam, Romanus etiam Pontifex factus, Victor secundus cognominatus est. Cœpit autem Monasterium anno Domini 1053. sub Imperatore Henrico Nigro, quem Comitem quoq; Calowienssem sive Kalwensem è Suevia (ubi ad Nagoldum fluvium hodie adhuc in Wirtembergensi Ducatu, ejusdem nominis oppidum cum veteri arce, horum Comitum sede, extat) natum fuisse Annales referunt. Postea annum Christi circiter 1130. quasi postliminio renovatum & ampliatum est à S. Othone, octavo Bambergensis Ecclesiæ Episcopo, Pomeranorum Apostolo, cujus corpus Bambergæ in montis Monachorum Cœnobio à se liberaliter etiam donato, terræ mandatum est. Postremi hujus Cœnobi Abbates (de veteribus enim expiscari nihil potui) fuere, qui sequuntur breviter hoc loco annotati.

1. *Henricus* præfuit annis sexaginta. Obiit anno Domini 1503.

2. *Eucharicus Gotzman* de Buch præfuit octo annis. Obiit anno Domini 1511.

B 3 3. *Henri-*

Basilij

Chronologia
Monasterio

rum Germaniæ

S. III